

關聖帝君靈籤

第九十九籤 99

上上

聖意

名與財、皆得意、家道康、婚吉利
病即安、孕生貴、訟則伸、行人至

籤詩

貴人遭遇水雲鄉，
冷淡交情滋味長，
黃閣開時延故客，
騶驄應得驟康莊。

解籤

此籤主交友言。由疏而密。由淡而濃之象。始時貧賤相交。跡似淡漠。一旦朋友得志。貴極人臣。大有開閣相延之慶。況以車笠舊好。自無不勤加拂拭。有不如騶驄之開道路者乎。凡事先平而後奇。先名而後實。先艱阻而後順利。大得貴人之力。